



## 9. FESTIVAL DJEČIJE UMJETNOSTI U SARAJEVU

### IZVJEŠTAJ SELEKTORA

9. Festival dječije umjetnosti (FEDU) u Sarajevu je internacionalni, multidisciplinarni umjetnički festival takmičarskog karaktera koji razvija dječije stvaralaštvo i stvaralaštvo za djecu i mlade, afirmira autorski izraz i njeguje komplementarnost različitih stilskih obrazaca. Nagrade se dodjeljuju u četiri kategorije: teatar, književnost, muzička i likovna umjetnost. U oblasti TEATAR – TAKMIČARSKI POZORIŠNI PROGRAM dodjeljuju se slijedeće nagrade:

**Grand prix pod nazivom AIDIN MASLAČAK TEATAR**– najbolja predstava ( Grand prix), najbolji glumac i glumica, najbolja režija, dramski tekst, scenografija i kostim. Publika dodjeljuje nagradu **Najjači aplauz**.

U odabiru teatarskih predstava 9. FEDU nismo željeli praviti određene ograde i limite, favorizirajući na taj način pojedine stilove, žanrove i tehnike u odnosu na druge, tako smo i jezički zid ignorirali i odlučili da dječijem gledateljstvu prepustimo čitanje znakova, boja, zvukova i najsnažnijeg govora kojeg emanira glumačka osobnost.

Pri odabiru predstava vodili smo se tim elementima s tendencijom da žanrovska i tematska različitost raširi granice i prema istraživačkom, ostajući na stanovištu da pedagoško i zabavno ne isključuju jedno drugo, moderno i konvencionalno nisu na suprotnim položajima kao ni da moderne tehnologije nužno znače progres, izazov, napredak. Odabrali smo predstave za djecu do 12 godina starosti, želeći da očuvamo koncept raznorodnosti koja nosi dinamizam u riječi, stilu, kretanju, slici, liku, lutki, grafici – jednom riječju, u igri. Igra u dječijem svijetu neraskidivo je pozvezana sa ushitom, radosti, maštom, elanom ali i sa učenjem, poukom i motivacijom.



U Takmičarski program 9. Festivala dječije umjetnosti koji se održava od 3. do 7. maja 2023. uvrštene su slijedeće predstave:

1. **“Zlatokosa”, Pozorište lutaka Mostar, BiH**
2. **“Drvljaci”, KD Pinklec Čakovec, Hrvatska**
3. **“Ježeva kućica”, Pozorište mladih Sarajevo, BiH**
4. **“Bio jednom jedan lav”, Dječije pozorište RS, Banja Luka, BiH**
5. **“Kaktus bajka”, Gradsko kazalište lutaka, Split, Hrvatska**
6. **“Krokodil Marko”, HNK Varaždin, Hrvatska**
7. **“U potrazi za slovom R”, GK Zorin dom, Karlovac, Hrvatska**
8. **“Zelena gora”, Teatar mladih Kotor, Crna Gora**
9. **“Priča bez veze”, Teatar Poco Loco, Zagreb, Hrvatska**
10. **“Prva ljubav”, Teatar Naranča, Pula, Hrvatska**
11. **“Čarobnjak iz Oza”, Pozorište lutaka Niš, Srbija**
12. **“Ružno pače”, KD “Ivana Brlić Mažuranić”, S. Brod, Hrvatska**

U Sarajevu, 7. marta 2023.

Indira Kučuk-Sorguč,  
selektorica